

海澄縣誌
(乾隆)
一

ISBN 988-978-316-9



9 7 8 9 8 8 9 7 8 3 1 6 7

二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇〇元（全書共三百一冊）

乾隆二十七年鑄

海澄縣志

本衙藏板

邑志引言

周官外史掌書外令俾四方
之士訓誦訓皆為之志而登
諸史氏史志之所匯志於史
其流也顧作者互有短長班
馬以後如范陳氏作史不能
作志即顏師古孔穎達輩號

良史才於作志亦絀焉今以
名法吏而欲稔於掌故與載
筆之事難矣雖然文章與政
事通志其津筏也術本經生
思以宜民善俗其於地方之
建置沿革利弊廢興貞淫善
敗必毛舉縷晰犁然具見斯

可權其緩急而輕重布之舍
掌故弗事而以語乎政令不
且驚為河漢茫無畔岸乎我
朝觀文化成海隅率被凡郡縣
志靡不聿新且彙為一統全
書茲緒澄舊志闕而不修者
七十年又自劃浦地益三之

一未入編卷余下車時即毅然有脩輯意而釐剔塵牘未遑也。比年戴星飲水出入四郊察其戶版課其畊桑鼓其誦經厲其訓型清其狴犴自是藹然百里終歲不斷死刑爰因衆心圖新舊志申諸

憲府皆報可廼聘請名宿立局
分門審繁簡而權體度若者
為山川形勝可以知疆域若
者為城池壇墀可以知規制
若者為戶口土田可以知賦
役若者為廟學禮樂可以知
學校若者為營汛關隘可以

知兵防若者為科名宦蹟懿
行芳節可以知選舉職官與
人物若者為物產為風俗為
文章為災祥識大識小無一
不知類而通也夫志為史家
所難茲既昭晰於掌故之所
在果遂以法令為師乎抑又

有說焉蓋知之明者處之當
要各自有本心必反躬而責
實論衡有曰始入官如入晦
室久而愈明明乃知知乃行
真西山句云既取脂膏供爾
祿須知疴癢切吾身入晦室
而拓其本心之明設誠於內

而致行焉將戶版愈增士女
愈穀禮俗愈興訟獄愈熄彼
志乘之掌故又特遺迹耳矣
余承乏茲土代將及瓜既幸
數十年遺文佚事不盡漸滅
得纂輯成書以脩

國史之採且俾一邑之政令有

可考鏡庶幾不迷所注而為
來者之津筏歟

乾隆二十五年小春月

賜進士出身

勅授文林郎知海澄縣事己外同
考試官分寧陳鏌撰





臨川蕭皋書



海澄縣誌序

澄誌修於康熙癸酉今七十載矣禍亂
既定昇平以久疆域增闢物產饒裕戶
口滋盛風俗遷善皆不同其舊茲令江
南陳君鐸與邑進士葉君廷推公醵修
之未竟以調谷佐縣以例得來代曰踵
成之邑人士肅曰誌之事畢矣請序而

付梓霖乃不禁喟然嘆曰諸君乎起澄
誌之有關於治亂乎今誌之事畢矣而
霖之心蓋未已之澄之言誌始於明季
崇禎壬申載其前事風俗宜蹟畧無可
取而中間如用閹豎權稅大肆酷毒盜
賊蠱戢殺心日晝澄以民膏髓竭於貪
汚血肉藉於州壘澄邑此物如周公起